

OXY-NASE NASAL DROP

Oxymetazoline Hydrochloride (0.05% w/v, 0.025% w/v)

Apakah yang ada pada risalah ini

1. Apakah kegunaan OXY-NASE NASAL DROP
2. Bagaimana OXY-NASE NASAL DROP berfungsi
3. Sebelum menggunakan OXY-NASE NASAL DROP
4. Cara menggunakan OXY-NASE NASAL DROP
5. Semasa menggunakan OXY-NASE NASAL DROP
6. Kesan- kesan sampingan
7. Cara penyimpanan dan pelupusan OXY-NASE NASAL DROP
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Risalah ini menjawab beberapa soalan lazim tentang OXY-NASE NASAL DROP. Ia tidak mengandungi semua maklumat yang tersedia. Ia juga tidak menggantikan tempat ahli farmasi atau doktor anda.

Semua ubat mempunyai risiko dan manfaat. Ahli farmasi atau doktor anda telah mempertimbangkan risiko anda menggunakan OXY-NASE NASAL DROP berbanding manfaat yang mereka jangka untuk anda.

Simpan risalah ini bersama ubat. Anda mungkin perlu membacanya lagi.

Apakah kegunaan OXY-NASE NASAL DROP

OXY-NASE NASAL DROP digunakan untuk melegakan masalah hidung tersumbat.

Bagaimana OXY-NASE NASAL DROP berfungsi

Oxymetazoline mempunyai kesan pengecutan pada saluran darah. Ia bertindak dengan mengagihkan aliran darah setempat untuk mengurangkan bengkak pada

lapisan hidung, seterusnya melegakan pengaliran dan keadaan hidung tersumbat.

Sebelum mengambil OXY-NASE nasal drop

-Bila tidak boleh mengambil

Jangan menggunakan OXY-NASE NASAL DROP sekiranya:

- Anda mengalami alah kepada Oxymetazoline Hydrochloride ataupun salah satu bahan kandungan produk.

-Sebelum mula mengambil

Penjagaan khas diperlukan untuk OXY-NASE NASAL DROP:

Maklumkan kepada doktor jika anda menghidapi atau pernah menghidapi

- tekanan darah tinggi
- kencing manis
- kesukaran membuang air kencing yang disebabkan oleh pembesaran kelenjar prostat
- pembesaran tiroid
- penyakit jantung.

Kehamilan dan penyusuan badan:

- Tiada kepastian dalam keselamatan untuk kehamilan dan penyusuan badan. Oleh itu, ubat ini tidak digalakkan untuk kegunaan wanita hamil melainkan jika dapat memberi manfaat melebihi risiko

- Tanya doktor atau ahli farmasi anda untuk mendapatkan nasihat sebelum pengambilan ubat ini.

-Jika mengambil ubat-ubat lain

Maklumkan ahli farmasi atau doktor anda sekiranya anda sedang mengambil apa-apa produk lain, termasuk ubat yang dibeli tanpa preskripsi doktor.

Kombinasi yang mengandungi antikemurungan seperti tricyclic

antidepressants atau maprotiline atau monoamine oxidase inhibitor, bergantung pada jumlah dos mungkin akan bertindakbalas dengan ubat ini.

Cara menggunakan OXY-NASE NASAL DROP

-Berapa banyak harus digunakan

OXY-NASE NASAL DROP 0.05%:

Orang dewasa dan kanak-kanak lebih dari 6 tahun:

2 hingga 3 titik ke dalam setiap lubang hidung, 2 kali sehari, pagi dan petang.

OXY-NASE NASAL DROP 0.025%:

Kanak-kanak selepas 1 tahun:

1 hingga 2 titik. Dos yang diberikan adalah 2 atau 3 kali sehari.

Semburkan sehingga 4 kali sehari sehingga keadaan bertambah baik, kemudian kurangkan kekerapan.

-Bila perlu digunakan

Gunakan ubat ini seperti yang dicadangkan oleh doktor atau ahli farmasi.

-Berapa lama perlu digunakan

Jangan melebihi dos yang disyorkan dan jangan menggunakan ia lebih daripada 3 hari.

-Jika terlupa menggunakan

Ambil dos yang terlepas sebaik sahaja anda mengingatnya.

Jika ia menghampiri waktu untuk dos anda yang berikutnya, langkau dos yang terlepas dan ambil ubat pada waktu berjadual tetap yang berikutnya.

Jangan menggandakan pengambilan dos untuk menggantikan dos yang tertinggal.

-Jika mengambil berlebihan (terlebih dos)

Jika anda mengambil terlalu banyak

OXY-NASE NASAL DROP, rujuk kepada doktor atau segera ke hospital yang berhampiran.

Oxymetazoline boleh menghasilkan penekanan sistem saraf pusat yang ketara dan menyebabkan koma dan pengurangan ketara dalam suhu badan, terutama pada bayi. Rujuk doktor untuk maklumat lanjut mengenai pengurusan dos berlebihan.

Semasa menggunakan OXY-NASE NASAL DROP

-Perkara yang perlu dilakukan

Jika anda bersedia untuk memulakan pengambilan ubat baru yang lain, maklumkan ahli farmasi atau doktor anda yang anda sedang mengambil OXY-NASE NASAL DROP.

-Perkara yang tidak boleh dilakukan

Ikuti arahan doktor anda mengenai kawalan terhadap makanan, minuman atau aktiviti semasa menggunakan OXY-NASE NASAL DROP.

-Perkara yang perlu diberi perhatian

Reaksi anda mungkin akan dijejaskan semasa rawatan dalam beberapa hari yang pertama. Anda tidak dibenarkan memandu atau mengendalikan mesin/jentera sehingga kesan sampingan ubat terhadap anda dikenali. Penggunaan penyembur oleh lebih dari seorang boleh menyebarkan jangkitan.

Kesan-kesan sampingan

OXY-NASE NASAL DROP boleh mendatangkan kesan sampingan. Beritahu doktor anda jika salah satu daripada gejala adalah teruk atau tidak hilang.

- pedih
- kekeringan pada mulut dan tekak
- bersin

- hidung tersumbat menjadi lebih teruk (penggunaan berpanjangan)

Jika terdapat kesan sampingan yang menjadi serius atau kesan sampingan yang tidak terdapat pada risalah ini, tolong maklumkan kepada ahli farmasi atau doktor anda.

Anda boleh melaporkan sebarang kesan sampingan atau kesan advers ubat terus kepada Pusat Pemantauan Kesan Advers Ubat Kebangsaan melalui No. Tel: 03-78835490, atau laman web npra.gov.my (Consumers → Reporting Side Effects to Medicines (ConSERF) or Vaccines (AEFI)).

Cara penyimpanan dan pelupusan OXY-NASE nasal drop

-Penyimpanan

Pastikan bekas ditutup dengan rapat. Lindungi dari cahaya yang panas. Simpan di bawah 30 °C. Simpan jauh daripada jangkauan kanak-kanak.

-Pelupusan

Ubat tidak boleh dilupuskan melalui sisa buangan atau sisa isi rumah. Tanya ahli farmasi anda bagaimana untuk membuang ubat yang tidak diperlukan lagi. Langkah-langkah ini akan membantu melindungi alam sekitar.

Maklumat lanjut

-Rupa dan warna

OXY-NASE NASAL DROP ialah larutan yang jernih dalam botol kaca ambar 10ml dan 100ml.

-Bahan-bahan kandungan

-Bahan-bahan aktif:

Oxymetazoline Hydrochloride 0.05% w/v dan 0.025% w/v.

-Bahan-bahan tidak aktif:

Amino Acetic Acid, Hydrochloric Acid, Sorbitol Solution, Benzalkonium Chloride dan Purified Water.

-Nombor MAL:

-OXY-NASE NASAL DROP 0.025%
MAL19870791AZ

-OXY-NASE NASAL DROP 0.05%
MAL19870793AZ

Pemegang Pendaftaran Produk:
HOE Pharmaceuticals Sdn Bhd
Lot 10, Jalan Sultan Mohamed 6,
Bandar Baru Suleiman,
42000 Port Klang, Selangor,
Malaysia.

Pengilang:
HOE Pharmaceuticals Sdn Bhd
Lot 10, Jalan Sultan Mohamed 6,
Bandar Baru Suleiman,
42000 Port Klang, Selangor,
Malaysia.

Tarikh kemaskini RiMUP :
7/05/2019

Nombor Siri:
NPRA(R4/1)061218/00368